

怨嘆台灣 DPP
民主無民主 無用公投幫我擋 Ractopamine
進步無進步 無用公投 sūn-sòa 幫我 ê 同胞 -- 牛
táh-tòng-á 莫予食 Ractopamine
Ractopamine 毋但生 chiaⁿ-bah
Ractopamine koh kā 民主 kap 進步 ê 民進黨魂食了了

上帝創造世間萬物
人創造 Ractopamine
伊甸園善惡果毋 thang 食
蛇 kā 人 siāⁿ
Ractopamine kā èng-chhài siāⁿ
但為何歐盟無愛進口 Ractopamine ê chiaⁿ-bah leh

希望台灣人見擺食我 ê 肉、chhng 我 ê 骨
會使治 he-ku
我無想欲食 Ractopamine
我是「毋是 Ractopamine ê 我」
我想欲聖靈充滿
我想欲去伊甸園
Kap 上帝 Emmanuel
毋是 kap Ractopamine 永遠佇 teh
祈禱靠主耶穌 ê 名求 Amen

分分秒秒

Every Moment

Lí, Siù (李秀)

轉袂去 ê 童年
喚袂醒 ê 親情
褪了 ê 愛戀
變了色 ê 頭毛
是時間 ê 鄉愁

時間 tī 四輪中轉盪
時間 tī 掛號中等待
時間 tī 等待中停止
時間 tī 停止中無氣
憂愁多變 ê 時間

日夜交纏做伙
Tī 金光閃閃 ê 早起
Tī 陰沉 kap 烏暗 ê 昏
開始 hām 過去全時存在
但是 iah-bē 開始就結束矣

